

**Naalackersuinikkut Ataqtigiissaarisoqatigiit 25. maj Ilulissani nal. 12.00-14.30 ataatsimiinnerannit imaqarniliaq.**

Peqataasut:

**Naalackersuinikkut Ataqtigiissaarisoqatigiit:**

Aleqa Hammond  
Vittus Qujaukitsaq  
Steen Lynge  
Siverth K. Heilmann  
Nick Nielsen  
Finn Karlsen  
Jens Erik Kierkegaard  
Martha Lund Olsen  
Asii Chemnitz Narup  
Hermann Berthelsen  
Jørgen Wæver Johansen  
Ole Dorph  
Martha Abelsen

**Peqataatitaasut:**

Mininnguaq Kleist  
Hans-Erik Bresson  
Jørn Skov Nielsen  
Peter Hansen oqarasuaatikkut  
Søren Hald Møller oqarasuaatikkut  
Jørgen Isak Olsen  
Lars Lennert Sandgreen  
Paneeraq Olsen  
Steffen Ulrich-Lynge  
HP Barlach

**Peqataasut allat:**

Elly Hauge Pedersen  
Elisabeth R. Johansen  
Lea Holm  
Jensigne Berthelsen  
Signe Møller Kristiansen  
Aviâja Absalonsen  
Lars Damkjær  
Simon Lennert  
Sven Møller

**Avataanit peqataatitat:**

Lise Buchard  
Henrik Rafn

**Imaqarniliortut:**

Tina J. Naamansen  
Ilannguaq Møller

**Oqaluuserisassat:**

- 1) Oqaluuserisassat akuersissutigineqarnerat
- 2) Imaqarniliap akuersissutigineqarnera
- 3) Ilisimatitseqatigiinneq
  - 3.1. Namminersorlutik Oqartussat
  - 3.2. Kommunit
  - 3.3. KANUKOKA
- 4) Akuersissutigineqartussat
  - 4.1. Nalimmassaanermik ataatsimoortumillu tapiissutinik suliaqarneq
  - 4.2. Ulloq unnuarlu paaqqinnittarfinnut tunngasunut inassuteqaatit pillugit nalunaarusiap akuersissutigineqarnera.
- 5) Ilisimatitsissutissat
  - 5.1. Aaqqissuusseqinnerup nalilersornera - aningaasaqarnermut ataatsimiitsitaliamut allagaqarnissamut missingiut
  - 5.2. Suliniutit annertuut, tassa Aatsitassat, Pingaartumik IBA (Aatsitassarsiornermi sunniutaajumaartussat pillugit ajunngitsorsiassanut isumaqatigiissut) pillugu isumaqatigiinniarnit pillugit sammisat Namminersorlutik Oqartussanut kommuninullu kingunerisinnaasaat.
  - 5.3. Sanaartornermut tunngasuni immikkoortunut pilersaarutit

- 5.4. Eqqaavilerinermut tunngasut avatangiisinullu aningaasaateqarfissaq pillugit sanaartornermut tunngasuni nunap immikkoortuinut pilersaarusionerit.
- 6) Tamalaat
  - 7) Tulliani ataatsimiinnissaq (aggustip ulluisa aqqarnanni kommunit isumasioqatigiinnerata nalaani)

### **Immikkoortoq 1-imut – Oqaluuserisassat akuersissutigineqarnerat**

- Akuerineqarpoq

### **Immikkoortoq 2-mut – Imaqarniliap akuersissutigineqarnera**

- Akuerineqarpoq

### **Immikkoortoq 3-mut - Ilisimatitseqatigiinneq**

#### **3.1. Namminersorlutik Oqartussat**

Ilanngussat nassiunneqareersut saniatigut ilassutaasunik ilisimatitsissutissaqanngillat

#### **3.2. Kommunit**

##### **Kommune Kujalleq – JWJ:**

Suliffissaqanngitsut amerliartorput pingaaruteqarporlu suliffissaqalersitsisoqarnissaa, akileraartartoqalerniassammata meeqqaminnik atuarfimminnik paarsilluartunik isumaginnissinnaasunik. Nuannerpoq Naalakkersuisut sulissuteqarniarmata. Suliffissaqannginneq kinguneqanngitsoortanngilaq.

Kujalleq IBA pillugu isumaqatigiinniarnernik tusarlerneqarusuppoq isumaqalutillu pingaaruteqartoq naleqarnerulersitsineq ineriartornerlu inuussutissarsiutinik pilersitsiviusinnaasut pillugit ilisimatinneqarnissartik. Qeqertarsuatsiaani rubineqarpoq suleqataalernissartillu sulissutiginiarpaat.

##### **Qeqqata - HEBE:**

Suliffissaaleqinerup tamat eqqortarpai piginnaanngorsaaniarlunilu pikkorissartitsisarnerit eqqarsaatigalugit pitsaasumik suleqatigiittoqarpoq kommunillu sisamaasut piareersaataasumik ataatsimiissimapput sulissutigisassat assigiissaarneqarniassammata, kisiannili erseqqissarneqassaaq sulissutigineqartut assigiimmik piumasaqaatitaqaratillugu periarfissiisinnaanngimmata. Pingaaruteqarpoq kukkunerit peqquittannginnissaat nuannerporlu nunaqarfimmiut kissaatigisaat tusarniarlugit naapinneqarsinnaammata. Suliffissaaleqineq iluarsivigineqartariaqarpoq nunani allamiut sulisartut tikerartinneqartuaannarpata ajornerulertussaassammata.

**FK:** Maannakkumut Sisimiuni tunisinissamut periarfissaqarsimangilaq kisiannili qanittukkut aallartittoqarluni tunisinissamullu periarfissaqarnissaq pingaaruteqarpoq. Aningaasarsiakinnerpaanut suliffissaqartitsisoqalerpat qaffariartoqassaaq tamarmillu ikiutissallutik.

##### **Qaasuitsup Kommunia - OD:**

PED aallartinneqarsimavoq, aalisakkanik avammut tuniniaaneq sammeneqarluni taamaaliortoqarsimangippammi canadamiut russillu umiarsualivississinnaassanngimmata. OD-p peqataasut allat sulissutigineqartunut malinnaaqqullugit kaammattorpai.

**VQ:** Ineriartortitsiniarluni ataatsimeersuarnermi Aalisarnermut, Piniarnermut Nunalerinermullu Naalakkersuisup aalisarnermi sulissutigineqartut saqqummiussinnaasimangimmagat FK taamaaliornissamut periarfissinneqassaaq.

**SKH:** Uumassusilinnik misissuisut ilisimatinneqartariaqarput qalerallit kujavariartormata. Sulineq ingerlavoq ingerlaaserli tuaviuunneqarnerusinnaavoq.

**OD:** Suliffissaaleqineq suleqatigiilluni akiorneqassaaq Qaanaamilu aalisarneq ingerlalluarpoq. Thulefonden aamma Royal Greenland aallartippat aalisakkallu 100 tonsit aalisarneqareersimapput. Upernavimmi suliffissaaleqisoqarpoq aammattaaq aasakkut. Aalisartutut pikkorissuupput kisianni qaleralinnik ilivitsuutillugit qerititanik nunanut allanut annissuineq immaqa taamaallaat inummut ataasiinnarmut suliffissaqartitsivoq. Naalackersuisut ataatsimeersuarnissamut Upernavimmut qaaqqusaapput.

Royal Greenland Qasigianguaniittoq kinamiunik sulisartunik tikisitsiniarpoq ullunilu aqqaneq sisamani eqqarsarfissaqartitsisoqarpoq. Erseqqissarneqarpoq kinamiut taamaallaat kalaallinik ilinniartitsiartorlutik pikkorissartitsiartorlutillu tikinniartut Royal Greenlandillu sulisussanik eqqussiniarnera kommuninit akuerisaasoq, tamannalu paasissutissiissutigineqartariaqarpoq. **AH** erseqqissaavoq qularutigineqassanngilluinnarmat kalaallit sulisartut sukkulluunniit pingaernerutitaasussaammata.

### **Sermersooq - ACNA**

Sermersooq ukuninnga ilisimatitsissutissaqarpoq;

- 1) Impact and Benefit Agreement (IBA) (Aatsitassarsiornermi Sunniutaajumaartussat pillugit Ajunngitsorsiassanut Isumaqatigiissut (ASAI))

IBA-p isumaqatigiinniutigineqarnera Qeqertarsuatsiaanut naamassineqareerpoq, tamanna suliffissanik 100-nik pilersitsissutaasussatut naatsorsuutigineqarluni. Nunaqarfimmi aqutsisut ataatsimeeqatigineqareerput.

- 2) Angerlarsimaffeqanngitsut

Peqatigiiffimmik aallartitsisoqarsimavoq tassani Kofoed Skole misilittakkanik tunioraasoralugu.

Suliffeqanngitsut arfinilerarterutaat kommuninit allaneersuupput tamannalu ajornartorsiutaavoq nunamut tamarmut atuuttoq. Angerlarsimaffeqanngitsut inuillu inisseqqitassat qanoq ittuunerat assigiinneqaaq. Ineqarnermut Naalackersuisoq inisseeqqittarnermut 5 mio. koruunit atugassanngortinneqarsimasut ilisimatitsissuteqarpoq.

- 3) Sulisartut avataaneersut

Sulisartut avataaneersut tikisinneqartarnerannut malittarisassat sukaterneqassapput.

Akuersissutigineqarsimavoq kiniserit tallimat ilinniartitsiartorlutik tikissasut

- 4) Innuttaasut peqataatinneqarnerat/Qanittumik oqartussaaqataaneq pillugit suleqatigiissitaq ??

- 5) Sukannersumik nakkutilliineq

Naatsorsuutigineqarpoq ulloq 2. juni pilersaarut piariissasoq piviusunngortinneqartussaq.

- 6) Najugaqarfii allat

Royal Greenland illutaannut akisussaavoq kommunilu ingerlatsinerneq akisussaalluni. Uumasut nakorsaat tikeraarsimavoq suliarlu ingerlavoq.

Ittoqqortoormiini pitsassuarnik qeerlutoortoqartarpoq tuniniarneqarsinnaasunik.

**MLO:** Innarluutilinnut tunngatillugu Kommune Kujalleq aamma Qeqqata Kommunian tikeraarneqassapput. Meeqqanut inuusuttunullu tunngasuni aappaagumut aningaasanik amerlanerusunik atugassanngortitsisoqassaaq. Pensionisianut tunngasuni nutaamik iluarsaaqqinnissaq ukiamut saqqummiunneqassaaq, tassani tapiissuteqartarnermik aaqqissuussinerit allanngortinneqassallutik.

### **3.3. KANUKOKA**

**MA:** Ilaqtariinnermut Naalackersuisoq suleqatigineqarpoq naatsorsuutigineqarporlu sulineq septembarimi inaarsarneqassasoq. Sulineq pitsanngorsarniarlugu ERP aallarnisaataasumik suliniut Nuummi Paamiunilu aallartinneqarpoq aamma Kommune Kujalleri SB-SYS ajunnginnersoq misilinneqarluni. Sullissinnermut assistentit ilinniartitaanerat 1. august aallartissaaq taamaalillunilu neriutigineqarluni taamaaliornikkut piginnaasaqortunerulissasut.

**JWJ-ip** maluginiarpaa suliffeqanngitsut Sermersuumut noorarsimassappata tamanna pitsaanerusumik paasineqartariaqartoq.

#### **Oqaluuserisassani immikkoortoq 4.1-imut. Naligiissaarinnermik ataatsimoortumillu tapiissutinik suliaqarneq**

VQ immikkoortumik tassannga saqqummiussivoq aallaniutigalugu kommunit kissaatigisaat takuneqarsinnaassammata aamma periarfissat assigiinngimmata. Ilaatigut inuunertusiartorpugut nutaamillu ilusiliussassamik nassaartoqartariaqarluni. Suliaq ingerlavoq. 100 %-imik naligiissaariniartoqanngilaq. 2015-imiit naligiissaarinnermut ataatsimoortumillu tapiissutinut ilusiliisoqassaaq kommunillu aaqqiissutissamik nassaartariaqarput taamaamallu suliaq salluutinneqartariaqarluni. Kommunit nalunaarutigisariaqarpat kommuninut ataatsimoorussamik akileraarutit peerneqarnissaat kissaatigineritsik.

**ACNA:** isumaqarpoq ilusiliussaq paasiuminartuusariaqartoq taamaalilluni takuneqarsinnaassammata aningaasat suminngaanneernersut aamma sumut ingerlasarnersut. Oqimaalutaasoqartariaqanngilaq inuit sumi najugaqarnersut kisiannilu innuttaasut aningaasartornartut sumiinnerisut, taamaammat KS naligiissaarinnermut isumaqataanngilaq uuttuutissat amerlaqisut ilaasariaqarmata.

Aalajangiunneqarpoq kommunit 10. juni SIOQQULLUGU utimut nalunaaruteqassasut kommuninut ataatsimoorussamik akileraarutit peerneqarnissaat kissaatigineritsik. Ullunik aqqaneq sisamanik piffissaliisoqarpoq.

**ACNA:** KS-ip kissaatigaa kommuninut tamanut ataasiakkaarlugit illuatungeriilluni isumaqatigiinniartoqassasoq, taakkunani KANUKOKA peqataasassalluni, kommunimmi imminnut ungasissorujussuummata, tamannalu VQ-p isumaqatigaa. **JWJ** kissaateqarpoq naligiissaarisarneq nutaaq 2015-imiit atuutilissasoq tassami Kommune Kujalleq kinguartitsisoqassappat akissaqanngimmat VQ-lu uppersaavoq kinguartitsisoqassanngimmat ilusiliussarlu nutaaq 2015-imiit atuutilissammata.

Aalajangiunneqarpoq kommunit 11. augustusimi tulliani ataatsimiittoqalerpat aalajangiinissap tungaanut ulloq 11. juuniutinnagu uuttuutissat suut naligiissaarinnermut ilaatikkusunnerlugit nalunaaruteqassasut.

#### **Oqaluuserisassani imm. 4.2-mut. Ulloq unnuarlu paaqqinnittarfinnut tunngasunut kaammattuutit pillugit nalunaarusiap akuersissutigineqarnera.**

Oqaluuserisassa kingullermik ataatsimiinnermit kinguartitaavoq. Kaammattuutit tallimaapput pivusunngortinneqartussat naatsorsuutigineqarporlu Ilaqtariinnermut Naalackersuisup, kommunit KANUKOKA-llu akornanni suleqatigiinnikkut taamaaliortoqassasoq. **MA** ilisimatitsissuteqarpoq '07-'08-mi kommunit ataatsimoorussaannik immikkoortortaqarfimmik pilersitsisoqarsimasoq atortussallu ullutsinnut naleqqussakkat tulliani ataatsimiittoqarnissaanut nassiunneqassasut.

Inassutigineqartoq akuersissutigineqarpoq.

#### **Oqaluuserisassani imm. 5-imut. Ilisimatitsissutissat**

### **5.1. Aaqqissusseqqinnerup nalilersornera - aningaasaqarnermut ataatsimiitsitaliamut ilisimatitsissutissamut missingiut**

Innuttaasut aallaavigineqassapput piginnaasallu paasiniarneqassapput. BDO-p nalunaarusiaani immikkoortut a)-f) takuneqarsinnaapput, tassani sullissineq assigiissaarneqassalluni. Nalilersuinikkut siunertaavoq anguniakkat anguneqarsimanersut sipaaruteqartoqarsimanersorlu paasineqarniarneqassammat. Takorluukkat 1-2-mi naatsorsuisoqassaaq, 1. august naammassineqartussatut naatsorsuutigineqartumik.

Aningaasaqarnermut Ataatsimiititaliamut missingiut akuersissutigineqarpoq.

### **5.2. Suliniutit annertuut, tassa Aatsitassat, Pingaartumik IBA (Aatsitassarsiornermi sunniutaajumaartussat pillugit ajunngitsorsiassanut isumaqatigiissut) pillugu isumaqatigiinniarnert pillugit sammisat Namminersorlutik Oqartussanut kommuninullu kingunerisinnaasaat.**

**JEK-ip** True North Gemsimut isumaqatigiinniarnert killiffiat itisileriffigaa nalunaarutigalugulu isumaqatigiinniarnert naammassineqartut aammalu eqaatsumik aaqqiinissaq siunniunneqartoq tassa isumaqatigiissut ukiut tamaasa isumaqatigiinniutigineqaqqittassalluni. Qeqartarsuatsiaat pikkorissartitsisoqartassaaq.

London Miningimut isumaqatiginninniarnert nangeqqinneqassapput taakkununga Qeqqata Kommunia aamma Kommuneqarfik Sermersooq peqataatinneqassapput.

Tanbreezimut isumaqatiginninniarnert Kommune Kujalleq suleqatigalugu ingerlanneqassapput.

Alcoap isumaqatiginiarnissaannut tunngaviusumik piumasaaqatissat naammassillugit isumaqatiginniniutigineqareerput. Naatsorsuutigineqarpoq Folketingip nunanut allaminut inatsit aasakkut sulinnigiffeqarneq nallertinnagu allannortissagaa. Aluminiumip akii maannakkuugallartoq pitsaasorsuunngillat.

Ilungersuutigineqarpoq IBA (isumaqatigiissut) kalaallinut inuiaqatigiinnut sapinngisamik annertunerpaamik iluaqutaassasoq.

Aalajangiisoqarpoq IBA pillugu isumaqatigiinniarnert isumaqatigiinniarnert killiffiat itisilernerullugu allaaseralugu ullormut oqaluuserisassanut aalajangersimasumik ilaasalissasut.

Oqaluuserisami tusakkat malinneqassapput.

### **5,3 Sanaartornermut tunngasuni immikkoortunut pilersaarutit**

Suli atualinngitsut atuartullu atuarfiisa tunniunneqarnissaat pillugu suleqatigiissitaq suligasuartussaq pillugu ilisimatitsissuteqartoqarpoq. Uunga killissimapput Namminersorlutik Oqartussanit ilaasortaaitat ataatsimiissimallutik taakku ilisimatitsissutigalugu KANUKOKA-mut saaffiginnissummik nassiussisoqarsimasoq kommuninit tamanit KANUKOKA-miillu peqataasoqarnissaa kissaatigalugu.

Namminersorlutik Oqartussat suleqatigiissitaata tamakkiisumik qanoq issutsimik nalunaarsuinerup suliarineqarnissaa salliutinniarpaa. Suleqatigiissitap aatsaat tamakkununga tunngasut tunniukkusuppai pineqartut illutaat tamarmik assigiimmik pitsaassuseqalerpata.

**SHK** ilisimatitsivoq Atuarfik Mathias Storchip suliarineqarnera juunimi aallartinneqassasoq. Narsami isaterineq aallartinneqareerpoq 2016-imilu naammassissasoq naatsorsuutigineqarluni.

Kissaatigineqarpoq suleqatigiissitap kommunit ilisimateqattaartuassagai ataatsimiinnernilu tamani killiffimmut itisilerutaasunik tunniussisarlutik.

Allaffimmiuniit ilassut: Ilanngussami amigaateqanngilaq maannakkuugallartormi suleqatigiissitap siullermeerluni ataatsimiinnerani killiffimmik allakkiaq taamaallaat suliarineqarsimammat.

Oqaluuserisami tusakkat malinneqassapput.

#### **5.4. Eqqaavilerinermut tunngasut avatangiisinullu aningaasaateqarfissaq pillugit sanaartornermut tunngasuni nunap immikkoortuinut pilersaarusionerit.**

Avatangiisinut Pinngortitamullu Naalakkersuisoqarfiup eqqagassalerinermut immikkoortukkaanut pilersaarut eqqarsaatigalugu ilisimatitsissut nassiunniarpaa. Tamakkununga aningaasaliissutissanik immikkoortitsisoqareerpoq naatsorsuutigineqarporlu taamaaliorneq suliffissaqalersitsiumaartoq.

Kommunit paaserusuppaat piffissalersuisoqarsimanersoq taamatullu eqqakkanik immikkoortiterisarnermut pilersaaruteqartoqarnersoq naatsorsuutigineqarporlu piaarnerpaamik ukiunut qulinut pilersaarut tusarniaassutigalugu ilaatigut kommuninut nassiussuunneqassasoq.

Oqaluuserisami tusakkat malinneqassapput

#### **Immikkoortoq 6-imut Tamalaat**

**AH** ataatsimiinnermik naggasiivoq nalunaarutigalugu nunarput pitsaanerpaamik ingerlasutut isumaqarfiginangitsoq. Aalisarnermi assersuutigalugu J-cuts nunatsinnut avammut nassiunneqaannartarput tamannalu Kalaallit Nunaanni suliffissaqalersitsiviusanngilaq aningaasanillu kaaviiartitsiviusarani.

Meeqqat eqqarsaatigalugit sakkortuumik inuunermik aallartitsinerup inuunerat tamaat malersortussaavai, taamaammat meeqqanut tunngasut pimoorunneqarnerusariaqarput.

#### **7) Tulliani ataatsimiinnissaq (11. august kommunit isumasioqatigiinneranni)**

Misissorneqassaaq tulliani Tasiilami, Narsarsuarmi Nuummiluunniit ataatsimiittoqassanersoq. VQ-p Danmarkimiit Islandimiillu tikeraartoqarnissani naatsorsuutigaa kommunit isumasioqatigiinneranni ataatsimiittussanik. Ulloq sumiiffillu piaarnerpaamik nalunaarutigineqassapput.

**Malitseqartitassat:** VQ-p saqqummiussaasa assilineqarnerat kissaatigineqarpoq, IBA aalajangersimasumik oqaluuserisassaniittalissaaq, Sanaartornermut tunngasuni nunap immikkoortuinut pilersaarut aalajangersimasumik oqaluuserisassaniittalissaaq, kommunit ataatsimut kommuninut akileraarut peerneqarusunnersoq 10. juni nallertinnagu utimut nalunaaruteqassapput, naligiissaanerinermut uuttuutissat kommuninut nassiunneqassapput 11. juni nallertinnagu, Kommunit isumasioqatigiinnerata sumiiffissaa piaartumik nalunaarutigineqassaaq. VQ-p Aningaasaqarnermut Ataatsimiititaliamut allakkat atsiussavai.